



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

მესტიაშვილი გიორგი ვლადიმერის ძე

მესტიაშვილი გიორგი ვლადიმერის ძე [8 (20). IX. 1898, სოფ. მაღარო, ახლანდ. სიღნაღის მუნიციპალიტეტი, - 8. II. 1968, თბილისი], ფთიზიატრი. მედ. მეცნ. დოქტორი (1940), პროფესორი (1940), საქართვე. დამს. მოღვაწე (1961). 1924 დაამთავრა თსუ-ის სამკურნ. ფაკ-ტი. 1938-იდან გარდაცვალებამდე განაგებდა თბილ. ექიმთა დახელოვნ. ინ-ტის ტუბერკულოზის კათედრას, იმავდროულად იყო ქალაქის I ტუბსანინააღმდებო კლინიკური საავადმყოფოს დირექტორი (1941 - 50), რ-იც 2001-მდე მის სახელს ატარებდა. 1960-63 იყო ჯანდაცვის სამინისტროს მთ. ფთიზიატრი. დააარსა (1949) საქართვე. ფთიზიატრთა სამეცნ. საზ-ბა.

მ. იკვლევდა ტუბერკულოზის კომპლ. მკურნალობაში ხელოვნური პნევმოთორაქსის განსაკუთრებით კი ანტიბაქტერიული და ტუბერკულინოთერაპიის ერთდროულად გამოყენების საკითხებს, ტუბერკულოზურ მენინგიტს; პირველად საქართველოში შეისწავლა ტუბერკულოზის მიკობაქტერიების წამლების მიმართ რეზისტენტობის ბიოლ. თვისებები; შემოიღო „მანტუს გრადუირებული სინჯის“ მეთოდი და სხვ.

თხზ.: ფილტვის ადრეული კავერნები, ტფ., 1936; ტუბერკულოზი (სახელმძღვანელო), თბ., 1948 (გამოც., მე 2 თბ., 1959).

ლიტ.: კ ა რ ტ ო ზ ი ა ლ., გიორგი მესტიაშვილი, თბ., 1978.
